

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Nunanit allaniit umiarsuarujussuit, umiarsuit, umiarsuaaqqat tingerlaataannaatillillu takortariartaatit Kalaallit nunatsinni piniartut, aalisartut sunngiffimmilu piniarsinnaanermut allagartallit piniariarfiinut tikeqqusaajunnaartissinnaappat?
 - a. Aappiuppat tamanna qanoq anguniassallugu pitsaanerpaava?
2. Ilumoorpa nunanit allaniit umiarsuit takornarissat nunatsinni tikittartut nunatta pissarititaanik nalilinnik tigooraasartut taamaalilluni nunarput akuersissutaanngitsumik oorisiorfigalugu pisut?
3. Qanoq qanorlu akulikitsigisumik umiarsuit nunatta avataaneersut nakkutigineqartarpat?
4. Nunaqavissunut illersuinerua takornarissat umiarsui ilalumi aamma ukiumi qamuteralannik piniariarfinni angalaartut akueriinnassagutsigit?

(Inatsisartunut ilaasortaq Mette Arge-Hammeken, Naleraq)

Tunngavilersuutit:

Ukiuni kingullerni ilungersunarsigaluttuinnartut nunamut piniartunut inuiaqatigiisunullu ilatigut piniariarfimmi akornutigineqaleriartuinnalersimasut, ilaatigut inuiaqatigiit oqartarput nunarput oorisiorfinngornikuusoq, tamanna akissutissarserusuppara ilumoornersoqa.

Uagut nunaqavissut isiginnaartussiaannanngornikuugatta, piniartortagut kulturimi pingaartitsillutik tamaatsaaliuillutik nuannarisaminni aallussillutik sulisut nunami allaneersunuk taamatut pimmatigineqarput ukiorpanni piniakkaminni “arsaartorneqarput” piniakkat tammartittarpai, piniartut piniariaffianni isaasarput soorlulusooq piaaralutik akornusersuisut.

Piniartut piniariarfimmiittarput piniagassanik qamallutik maskiinatik ikinnaveersaarlugit, eqqaani umiarsuit, umiarsuaaqqat, tingerlaatillu ukiumi qamuteralannilu angalaartut maskiinalersuullutik piniartut isiginnaartuinnaallutik, nunaqavissunut illersuinerunngilaq, allamiut illersugaapput killormorluinnaq ingerlasoqarpoq.



Nunarput inuilu illersornerusariaqarpagut. Nunatsinni piniariarfiit tamaasa nalunaarsorneqarlik taakkunanilu umiarsuit iseqqusaajunnaarsillugit.

Piniartut inuiaqatigiillu eqqarsaatilugit qamuuna eqqarsarnartoqarteqaara taama piniakkaminni inuuniutiminni killilersungaareertigalutik aamma taamatut atugaqartitaammata.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.